



奇姓通卷五

上聲上

鞏豐

寵義

寫氏

紫景望

弭仲叔

蛾析

邸杜

喜信

奉真

璽書

子鉏商

癸仲



梓慎

綺烏

里革

耳元明

芊嬰

揣本

倚相

水甦民

錡宣

軌革

遠啓疆

蟻逢

薦賈

祀淵

是儀

俟子

士燮

妣庸道

市吏

斐謀之

俎有用

鬼臿蔭

偉璋

尾敦

展昭

汝爲

處子

所忠

拱北

楚智

圉合陽

女叔齊

筓光

巨覽

緒東山

侶鍾

序黠

鄔彤

普仲賢

件瑜

萬章

羽公

鹵公孺

栩丹

虎臣

補郎

古弼

取應宗

甫瑕

府悝

苦成

五梁

輔公祐

主胄

扈謙

午汝臣

豎亥

戶尊

彌衡

米芾

禮震

底蘊

洗文淵

買叔千

每當時

亥唐

黽初宮

在育

迺穆泰

采皓

宰我

改產

海鵬

壘錫

隕丘

盡言

隱翁

塞道會

宛射犬

忖已

偃州員

反涖

苑康

圈文生

晏清

罕虎

奇姓通卷五

上聲上

江陰夏樹芳茂卿輯

華亭陳繼儒仲醇校

鞏豐

宋人晉大夫鞏朔之後。字仲至。從呂祖謙游。淳熙以太學上舍對策高第。教授漢陽軍。後知臨安縣。政簡刑平。吏民向化。尋以

祠祿罷。卒年七十。豐奇才博學。人謂宜居館閣中秘。而徘徊下列。人多惜之。又鞏伋爲漢侍中。秉忠貞不二之節。

寵義

蜀將。又五代時有寵令圖。

寫氏

寫氏音委。魯大夫。左傳。公祭鍾巫。齋于社。

圃。館于寫氏。壬辰。羽父使賊弒公于寫氏。立桓公而討寫氏。

紫景望

宋理宗初年。爲永州太守。明達政理。檢核吏姦。更置簿書。不踰年。財賦自裕。人戶輸苗。又本朝有紫諫紫承。

弭仲叔

奇如通 卷五
漢人與伯英同時。伯英稱其有命世之才。見三輔決錄。

蛾析

左傳。秦伯改館晉侯。蛾析謂慶鄭曰。盍行乎。對曰。陷君於敗。敗而不死。又使失刑。非人臣也。臣而不臣。行將焉入。十一月。晉侯歸。丁丑。殺慶鄭而後入。注。蛾析。晉大夫。蛾

音蟻。

邱杜

漢上郡太守。又唐有邱懷道。爲左司郎。

喜信

成化間都督。征劉千斤有功。又天順中有逆閹喜寧。

奉真

奇如通 卷五
宋熙寧中。以醫名聞東都。許元爲江淮發
運使。奏課於京師。時欲入對。而其子疾革。
使奉真視之。曰。脾氣已絕。不可治。死在明
日。元曰。固然。今方有事。須陞對。能延數日
否。奉真曰。此可爲也。諸臟已衰。惟肝臟獨
過。脾爲肝勝。其氣先絕。絕則死。若急瀉肝
氣。令衰。則脾少緩。可延三日。過此無術也。

乃投之藥。至晚。遂漸蘇。越三日。果卒。其法
傳之。元覺。元覺傳之法。琮世以爲神醫云。

璽書

陽谷人。正德中。富峪衛經歷。

子鉏商

家語。子鉏商。魯叔孫之車士也。采薪於大
野。獲麟焉。折其前左足。載以歸。叔孫以爲

不祥。棄之郭外。使人告孔子曰。有麇而角者何也。孔子往觀之曰。此麟也。胡爲乎來哉。反袂拭面。涕泣沾襟。謂子貢曰。麟之至爲明王也。出非其時而見害。吾是以傷之。

癸仲

宋人知嚴州軍。姜姓。齊癸公之後。

梓慎

左傳。魯昭公二月。日南至。梓慎望氛曰。今茲宋有亂。國幾亾。三年而後弭。蔡有大喪。叔孫昭子曰。然則戴桓也。汰侈無禮已甚。亂所在也。又襄公二十八年春。無冰。梓慎曰。今茲宋鄭其饑乎。歲在星紀而淫于玄枵。陰不堪陽。蛇乘龍。龍宋鄭之星也。宋鄭必饑。玄枵虛中也。土虛而民耗。不饑何爲。

綺鳥

見韓非子。

里革

國語。魯宣公夏。濫於泗淵。里革斷其罟而棄之。曰。古者大寒降。水虞於是乎講罟罾。取名魚。登川禽而嘗之。寢廟行之。國人助宣氣也。鳥獸孕。水蟲成。獸虞于是乎禁罝。羅。藉魚鼈以爲夏稿。助生阜也。鳥獸成。水蟲孕。水虞於是乎禁罝。羅。設筭鄂以賓廟。庖畜功用也。且夫山不槎孽。澤不伐天。魚禁鯤。鮪。獸長麇。麇。鳥翼。殼卵。蟲舍。蜺。蜎。蕃庶物也。古之訓也。今魚方別孕。不教魚長。又行網罟。貪無執也。公聞之。曰。吾過而里革匡我。不亦善乎。是良罟也。爲我得法。使

羅。藉魚鼈以爲夏稿。助生阜也。鳥獸成。水蟲孕。水虞於是乎禁罝。羅。設筭鄂以賓廟。庖畜功用也。且夫山不槎孽。澤不伐天。魚禁鯤。鮪。獸長麇。麇。鳥翼。殼卵。蟲舍。蜺。蜎。蕃庶物也。古之訓也。今魚方別孕。不教魚長。又行網罟。貪無執也。公聞之。曰。吾過而里革匡我。不亦善乎。是良罟也。爲我得法。使

有司藏之。使吾無忘諗。

耳元明

卽墨人。洪熙中撫州衛知事。今杭州有此姓。

芊嬰

漢書。芊嬰。七十子之後。齊人著書十篇。芊從艸從干。音米。與楚姓芊字不同。秦襄王

母芊太后。

揣本

泌陽人。永樂舉人。

倚相

左傳。楚靈王將求鼎於周。求田於鄭。大夫工尹路曰。君王命剝圭。以爲鍼秘。敢請命。士人視之。書語左史倚相。倚相誦祈招之

詩曰。祈招之愔愔乎。式昭德音。思我王度。式如玉。式如金。刑民之力。而無醉飽之心。靈王揖而入。饋不食。寢不寐。數日則固不能勝其情。以及於難。孔子曰。克己復禮爲仁。楚靈王若能如是。豈其辱於乾谿。子革之非。左史所以風也。誦詩以諫。順哉。

水甦民

一。洪武間爲邵武知縣。廉明慈愛。爲循良第一。

錡宣

國策。錡宣之教韓王。取秦曰。爲公叔具車百乘。言之楚。易三川。因令公仲謂秦王曰。三川之言曰。秦王必取我。韓王之心不可解矣。王何不試以襄子爲質於韓。令韓王

畢鞭七人。貫三人耳。國老皆賀。子文飲之酒。為賈尚幼。後至不賀。子文問之。對曰。不知所賀。子之傳政於子玉。曰。以靖國也。靖諸內而敗諸外。所獲幾何。子玉之敗。子之舉也。舉以敗國。將何賀焉。為賈之子為艾獵。即孫叔敖也。傳云。為敖為宰。擇楚國之令典。相楚莊王。以霸。三得相不喜。三失相。

不愠。為音委。

祀淵

洪武進士。舒城人。

是儀

字子羽。北海營陵人。本姓氏。郡相孔融嘲儀言。氏字民無上。因改為是。後依劉繇避亂江東。徙會稽。孫權徵典機密使輔太子。

知王之不取三川也。因以出襄子而德太子。又漢書。錡華。雒陽人。作賦九篇。

軌革

周時人。精曆算。其術傳之費孝先。

遠啓疆

楚太宰。亢直而能盡諫。晉韓宣子如楚。叔向爲介。楚子曰。晉君讐敵也。吾將辱之。啓

疆。諫止之。其言講信修睦。悉中禮義。遠音委。

蟻逢

漢蟻逢。在印藪。

薦賈

左傳。楚子將圍宋。使子文治兵於睽。終朝而畢。不戮一人。子玉復治兵於薦。終日而

畢鞭七人貫三人耳。國老皆賀。子文飲之酒。為賈尚幼。後至不賀。子文問之。對曰。不知所賀。子之傳政於子玉曰。以靖國也。靖諸內而敗諸外。所獲幾何。子玉之敗。子之舉也。舉以敗國。將何賀焉。為賈之子為艾獵。即孫叔敖也。傳云。為敖為宰。擇楚國之令典。相楚莊王以霸。二得相不喜。三失相。

不愠。為音委。

祀淵

洪武進士。舒城人。

是儀

字子羽。北海營陵人。本姓氏。郡相孔融嘲儀言。氏字民無上。因改為是。後依劉繇避亂江東。徙會稽。孫權徵典機密使輔太子。

太子事先咨詢然後行。時典校郎呂壹誣江夏太守刁嘉謗訕國政。權怒問同坐人皆怖畏。壹竝言聞之。儀獨言無聞。對曰。今刀鋸已在臣頸。臣何敢爲嘉隱。自取夷滅。爲不忠之鬼。嘉得免。儀不治產業。不事權幸。居恒蔬食。飯親及寢疾。遺令素棺。斂以時服。唐天寶初。有是光義爲秘書少監。著

語類十卷。

侯子

六國時人善著書。

士燮

春秋有士燮。漢亦有士燮。字威彥。廣信人。燮治左氏春秋。建安中舉茂才。遷交趾太守。以循良著稱。中國士人往依者以百數。

在郡凡四十餘年。卒年九十。

奴庸道

陝州人。洪武初。知米脂縣。爲政簡明。民咸戴之。

市吏

伍子胥。亡楚。奔至吳。乃被髮佯狂。跣足塗面。行乞於市。市人罔有識者。翼日吳中有

市吏善相者。見之曰。吾之相人久矣。未嘗見斯人也。得非吳國之亡臣乎。乃白吳王僚。具陳其狀。王宜召之。王僚曰。與之相入。公子光聞之。私喜曰。吾聞楚殺忠臣伍奢。其子子胥。勇而且智。彼必復父之仇。來入於吳。陰欲養之。市吏於是與子胥俱入見王。王僚怪其狀。偉身長一丈。腰大十圍。眉

奇如通 卷五
間一尺。王僚與語三日。辭無復者。王曰。此特出之賢人也。又漢有市佩。爲淮南王中郎。

斐謀之

少有風格。邢邵每云我斐四標邁。

俎有用

慶都人。宣德中五臺知縣。又正德中有俎

琚。字佩章。爲員外郎。

鬼臾薩

黃帝外紀。帝問鬼臾薩曰。上下周紀。其可數乎。對曰。天以六節。地以五制。用天氣者。六期爲備。終地紀者。五歲爲周。五六合者。歲三千七百二十氣爲一紀。六十歲千四百四十氣爲一周。太過不及。斯已見矣。乃

因五量治五氣起消息察發斂以作調歷
歲紀甲寅日紀甲子而時節定是歲巳酉
朔旦日南至而獲神策得寶鼎又宋有鬼
章作亂

偉璋

漢光祿勳

尾敦

漢尾敦劉虞故吏虞爲公孫瓚所害敦於
路劫虞首歸葬之

展昭

解州人永樂中以御史調崑山令

汝爲

宋豐縣人建炎中陳邊事假開州刺史使
金兼致書劉豫豫誘以官固辭以機密歸

奇如通 卷五
一四 一四〇五三〇世五
報朝廷。獻恢復方略。又上丞相書。三要秦
檜。欲械送金人。乃變姓名入蜀。所著有忠
嘉集。

處子

上聲。周時辯士也。著書九篇。又漢有處興。
為北海太守。

所忠

姓譜。武帝時為諫議大夫。司馬相如病。上
使所忠往收遺書。得書言封禪事。又安帝
時有小吏所輔。為縣令。劉雄歿。難。

拱北

本朝和順人。景泰進士。又有拱廷臣。

楚智

本朝驍將。洪武中數從宋國公涼國公出

奇如通 卷五 十五
塞有功。已從曹國公統騎卒。遇靖難兵。輒奮力歿戰。夾河之役。被執不屈。歿之。

圍合陽

楚大夫。

女叔齊

左傳。魯昭公如晉。自郊勞。至於贈賄。無失禮。晉侯謂女叔齊曰。魯侯不亦善於禮乎。

對曰。魯侯焉知禮。政令在家。不能取也。有子家羈。弗能用也。奸大國之盟。陵虐小國。利人之難。不知其私。公室四分。民食於他。思莫在公。不圖其終。爲國君。難將及身。不恤其所。禮之本末。將於是乎。在而屑屑焉。習儀以亟言。善於禮。不亦遠乎。

筓光

漢人見印數。

巨覽

東漢巨覽。順帝時。與李固齊名。國朝有巨敬。平涼人。建文中為監察御史。改戶部尚書。靖難時。不屈。死。又巨鯨。靈臺人。任監察御史。亦死於靖難。

緒東山

馬平人。嘉靖中。高安知縣。

侶鍾

字大器。成化二年進士。巡按浙江。嘗曰。小民之不得安於鄉里者。有司之虐政致之也。彼賣菜傭。何足問哉。賊吏望風解印綬。去。民間晏然。官至戶部尚書。

序點

侍教於孔子。

鄔彤

晉有鄔彤。工草書。如寒林棲鴉。

普仲賢

洪武中湖廣僉事。溧陽人。又正德中有普暉。任長安教諭。文行優長。歷西安知府。山東憲副。

仵瑜

字仲甫。蒲圻人。嘉靖初以議大禮忤旨。廷杖卒。

萬章

漢書游俠傳。萬章。字子夏。長安熾盛街間。各有豪俠。章在城西柳市。號西城萬子夏。與中書令石顯相善。門車常接轂。至成帝

初石顯坐專權擅勢免官徙歸故郡顯貲鉅萬當去留牀席器物數百萬直欲以與章章不受賓客或問其故章歎曰吾以布衣見哀於石公此爲石氏之禍萬氏反當以爲福耶諸公以是服而稱之後王尊爲京兆尹捕擊豪俠遂殺章

羽公

漢俠士

鹵公孺

游俠傳關中長安樊仲子槐里趙王孫長陵高公子太原鹵公孺雖爲俠而逡巡有退讓君子之風

栩丹

見董賢傳陳留先賢有栩氏

虎臣

周時虎會。諷簡子罷推車。因置酒與羣臣飲。以虎會為上客。又國朝有虎臣。陝西麟游人。慷慨有氣節。成化末入太學。適憲宗於萬歲山搭燈棚登眺。臣具疏極諫。時祭酒懼禍延師長。以鄧瑄繫臣堂樹上。俄官校宣臣至左順門。溫旨勞之。即拆棚。

祭酒大慚。又上疏列王振之惡。自是名聞天下。拆棕棚時。旨許選時授七品正官。後選楚雄府鄂嘉知縣。卒於官。人共惜之。

補郎

漢有補郎。見印藪。唐有中常侍補真珠。

古弼

南北朝古弼。代人。少忠謹。善騎射。仕魏。以

功封靈壽侯。歷官吏部尚書。弼雖事務殷
湊而讀書不輟。口不言禁中事。一日入奏
減苑囿。太武方與劉樹棋。弼侍坐良久不
獲申。乃起於帝前。捽樹掣下牀。以手搏之。
曰。朝廷不理。實爾之辜。帝愕然。放棋曰。不
聽奏事。朕之過也。樹何辜。弼具狀以聞。帝
奇而可其奏。

取應宗

宋取應宗。取希作。俱淳熙進士。富順人。

甫瑕

史記鄭厲公突在櫟。使人誘劫鄭大夫甫
瑕。要以求入。瑕曰。舍我。我爲君殺鄭子而
入君。厲公與盟。乃舍之。六月甲子。瑕殺鄭
子及其二子。而迎厲公。厲公復入。卽位。初

內蛇與外蛇相鬪於鄭南門中。內蛇死。居六年。厲公果復入。入而讓其伯父原曰。我亾國外居。伯父無意入我亦甚矣。原曰。事君無二心。人臣之職也。原知臯矣。乃自殺。厲公于是謂甫瑕曰。子之事君有二心矣。遂誅之。

府悝

姓苑。府悝。漢人。為司徒掾。

苦成

吳越春秋。越王勾踐與大夫種范蠡入臣於吳。羣臣送之江上。大夫苦成曰。發君之令。明君之德。窮與俱厄。進與俱霸。統煩理亂。使民知分。臣之事也。又苦灼。漢會稽太守。

五梁

字德山。以儒學節操稱。仕蜀漢爲五官中郎將。國朝有五淮。弘治中宜城知縣。

輔公祐

仕唐爲錄事。李太白贈以詩云。鸚鵡洲橫漢陽渡。水引寒煙沒江樹。漢口雙魚白錦鱗。令傳尺素報情人。

主胄

見隋書。洪武中有主問禮。任主事。

扈謙

晉廢帝疑桓溫有異志。命謙卜之。卦成答曰。晉室有磐石之固。陛下有出宮之象。後溫有枋頭之敗。遂誣帝宮闈重秘。廢立果如謙言。國朝有扈俊臣扈暹。俱爲能吏。

午汝臣

漢人見容齋隨筆。又宋有午相。相州人。淳熙進士。兄弟以儒業名家。

豎亥

路史。黃帝命豎亥通道路。正里候。得小大之國萬區。而神靈之封隱焉。又豎柎為鄭大夫。歲大旱。有事於桑林。禱雨。斬其木不

雨。子產曰。有事於山。藝山林也。而斬其木。其臯大矣。奪之官爵。

戶尊

漢有男子戶尊。國朝有順天舉人戶校。

禰衡

典畧。禰衡。字正平。平原人。建安初。自荊州北遊許都。恃才傲逸。時年二十四。許都新

建尚饒人士。衡懷一刺。字漫滅而無所適。或問之。何不從陳長文。司馬伯達。答曰。欲使我從屠沽兒輩耶。又問。當今許中誰最可者。曰。大兒孔文舉。小兒楊德祖。我其季孟間哉。曹操欲與相見。而衡疾惡之。意常憤懣。自稱狂病。不肯往。而數有言論。操聞其名。欲辱之。乃錄爲鼓吏。衡着岑牟單絞。而前。擊爲漁陽參。搥淵淵。有金石聲。四座爲之改容。孔融嘗曰。禰衡。臯同胥靡。不能發明王之夢。魏武聞而大慙。遂赦之。

米芾

宣和文臣傳。元章初見徽宗。命書周官篇於御屏。書畢。擲筆於地。大言曰。一洗二王惡。扎照耀皇宋萬古。徽宗潛立於屏風後。

奇姓通 卷五
聞之。不覺步出。縱觀歎賞。徽宗一日于瑤
林殿。張絹圖方廣二丈許。設瑪瑙硯。李廷
珪墨。牙管筆。召米書之。上出簾觀看。元章
乃反繫袍袖。跳躍便捷。落筆如雲龍飛動。
聞上在簾下。回顧抗聲曰。奇絕。陛下上大
喜。盡以硯匣鎮紙之屬賜之。官至禮部員
外郎。按米非奇姓。楊升庵載入希姓錄。豈

以米姓自胡來。抑蜀中無此姓耶。

禮震

漢禮震。平原人。光武時師事歐陽歙。歙爲
汝南太守。坐臯下獄。震年十七。聞獄當斷。
馳入京師。行至河內。獲枷自繫。上書求代。
歙歔歔。

底蘊

奇如通卷五
字汝章。考城人。正德進士。剛正有守。蒞政
明決。歷官兵部右侍郎。

洗文淵

廣東順德人。正德中四年知南安縣。性方
介。不能徇世。以奸頑犯者無曲貸。民咸德
之。徭役賦稅無後期者。居官清苦。食無重
味。衣無重襲。沖約如寒士。

買叔千

五代時將軍。又元有買住韶州路同知。以
廉介聞。至正間。郴寇陷樂昌。買住率義兵
敗賊。遂復樂昌乳源諸縣。又督兵出勦餘
黨。時方寢疾。竟歿軍中。郡人義而祀之。

每當時

漢人見印藪。

亥唐

隱居高士。晉平公重禮之。

黽初宮

漢人見印藪。

在育

晉汝南太守。在上聲。

迺穆泰

元迺穆泰。字景春。三山人。至正末。以延平路總管監南安縣。時當寇亂。調度轉輸。以給軍餉。勞來安定。以復流亾。復以政暇。修舉學校。時稱良吏。

采皓

漢度遼將軍。

宰我

奇姓通 卷五
鹽鐵論宰予爲臨淄大夫。有寵於齊。田常作亂。道不行。身死庭中。簡公殺於檀臺。夷其三族。韓非子曰。田蚡辜射。宓子賤宰予。不免於田常。此皆世之忠良。不幸而遇悖闇之主以死。又虞愿定命論云。畢萬保軀。宓賤殘領。又宰直仕漢爲司空。

改產

秦大夫。

海鵬

唐人撰草經一卷。國朝有海瑞瓊山人。以直諫歷官都御史。爲一代名臣。

壘錫

晉梓潼太守。

隕丘

燧人氏四佐。一曰隕丘。受延禧。出陳氏世編。

盡言

宋盡言。眉山人。秦檜歿。推湯鵬舉爲侍御史。盡言作啓賀曰。以三尺之童。冠兩浙之士。老牛抵犢。溺愛誰先。野鳥爲鸞。欺君孰甚。盡言子忍反。

隱翁

漢河間太守。又宋有隱袞。河間中尉。

塞道會

唐侍臣。從僖宗西幸。僖宗謂曰。塞不利東北。因更氏曰塞。又國朝有塞衡。眉州人。以孝義旌表其廬。

宛射犬

左傳。楚子伐鄭以救齊。門于東門。次於棘澤。諸侯還救鄭。晉侯使張骼輔躒致楚師。求御于鄭。二人卜宛射犬吉。子大叔戒之曰。大國之人不可與也。對曰。無有衆寡。其上一也。大叔曰。不然。部婁無松柏。二子在幄。坐射犬於外。既食而後食之。使御廣車而行。已皆乘乘車。將及楚師而後從之。乘

皆踞轉而鼓琴。近不告而馳之。皆取胄于橐。而胄入壘。皆下搏人以投。收琴挾囚。弗待而出。皆超乘抽弓而射。既免復踞轉而鼓琴。曰。公孫同乘兄弟也。胡再不謀。對曰。曩者志入而已。今則怯也。皆笑曰。公孫之急也。射犬。鄭公孫。又漢有宛暹。下邳相。

付已

奇如通 卷五
秦人管仲誅之。

偃州員

吳人見左傳。又偃師。周穆王巡狩。謁王曰。臣有所造。願王觀之。王曰。若偕者何人。對曰。臣所造倡者。以爲實人。與妃御觀之。倡者。瞬目招王侍妾。王欲誅之。偃立剖倡以示。皆傳會舞木。膠漆丹青爲之。

反淡

漢人見印數。

苑康

漢苑康。字仲真。泰山人。守郡多豪猾。康嚴申禁令。人莫敢犯。以事忤常侍侯覽。誣以臯。坐徙日南。泰山人詣闕訴其冤。得還本郡。又苑咸。唐開元進士。成都人。善書。工詩。

與王維訓和。

圈文生

圈。求晚切。圈稱。秦時人。陳留風俗志。乃圈稱所撰。又陳留志有圈秉。字宣明。蔡伯喈集有圈典。魏有圈文生。

晏清

晉晏清。中郎將。晏靜。寧州刺史。晏音緩。今

江陵多此姓。

罕虎

字子皮。子皮子要。齊要。齊子達。達子魑。魑子朔。世為鄭卿。子皮授子產政。子產辭。子皮曰。虎帥以聽。誰敢犯子。子善相之。

奇姓通卷五終

奇姓通卷六

上聲下

滿寵

亶誦

簡卿

展禽

坦中庸

棧潛

緩邵

莞蘇

產麟

勉昂

扁鵲

兗公序



典韋

淺皋

雋不疑

善友

塞叔

烏囀

蓼崇業

矯庸

皎公羨

紹績昧

犀賈

繞朝

佼彊

保睿

卯䟽

老古

島璞

葆申

草王橋

抱疑

藻重

皓進

棗祗

浩賞

寶篆

杲元啓

我子

可中止

鎖政

埜佑

把康

且謹修

也伯先

冶區夫

捨敬

假倉

閩和

養奮

敞屠洛

黨叔

廣嵩

掌禹錫

賞慶

党進

仇氏

寔耐虎

曩秉彝

莽通

蕩意諸

上纘

猛足

穎容

永石公

冷世光

邴漢

幸元龍

荇不意

景毅

秉寬

消竈

井丹

泮寅遜

靖君亮

鼎澧

洗勁

守恭

酒好德

酉牧

丑閻

醜長

斗蓋

首得仁

偶桓

耆秉彝

九嘉

斜潛

口祿

苟晞

厘文

有若

狗未央

厚瘠

審忠

品崑

檄大經

坎輝

冉孺

染閔

咎如心

免乙

檢其

陝茂

剡次雲

閃靄

偃繇

減宣

奇姓通卷六

上聲下



江陰夏樹芳茂卿輯

華亭陳繼儒仲醇校

滿寵

三國時滿寵字伯寧。昌邑人。仕魏屢立戰功。官至太尉。寵不治產業。家無餘財。詔賜田四十頃。穀五百斛。錢二十萬以表清節。

言如通卷六
一
印一四三九九世九

賈誦

賈誦漢人中謁者延光二年與張衡周興等論律曆

簡卿

西漢人受尚書於倪寬又受於夏侯勝三國有簡雍勸昭烈取成都復爲說劉璋歸命拜昭德將軍

展禽

國語柳下惠魯公族展氏也名獲字季禽曾適有海鳥曰爰居止於東門之外三日臧文仲使國人祭之展禽曰越哉臧孫之爲政也夫祀國之大節也先王制祀法施於民則祀之以歿勤事則祀之以勞定國則祀之能禦大災則祀之能捍大患則祀

之。非。是。族。也。不。在。祀。典。加。之。以。社。稷。山。川。
之。神。皆。有。功。烈。於。民。者。也。及。前。喆。令。德。之。
人。所。以。爲。明。質。也。及。天。之。三。辰。民。所。以。瞻。
仰。也。及。地。之。五。行。所。以。生。殖。也。及。九。州。名。
山。川。澤。所。以。出。財。用。也。非。是。不。在。祀。典。今。
海。鳥。至。不。知。而。祀。之。以。爲。國。典。難。以。爲。仁。
且。智。矣。夫。仁。者。講。功。智。者。處。物。無。功。而。祀。

之。非。仁。也。不。知。而。不。問。非。智。也。今。茲。海。其。
有。災。乎。是。歲。也。海。多。大。風。冬。暖。臧。文。仲。聞。
之。曰。是。吾。過。也。夫。季。子。之。言。不。可。不。法。也。
使。書。之。以。爲。三。策。注。三。策。三。卿。每。卿。一。通。
司。馬。司。徒。司。空。也。又。齊。侵。魯。北。鄙。使。展。喜。
犒。師。而。還。展。喜。卽。展。禽。之。弟。又。有。展。上。公。
學。道。於。伏。龍。得。仙。術。

坦中庸

宋紹興進士。累官提點刑獄。

棧潛

棧音儼。字彥皇。任城人。魏歷縣令。嘗督守鄴城。文帝爲太子。田獵無度。潛諫曰。都城禁衛。用戒不虞。若以一日從禽之娛。而亾無窮之費。臣竊惑之。明帝時。衆役竝興。戚

屬疏斥。潛上疏曰。陛下纂承洪緒。宜崇晏安。與民休息。親親顯用。則安危同憂。深根固本。永保無極。後爲燕中尉。辭疾不就。見應璩書林。

緩邵

三國志。緩邵爲珍虜都尉。明于周易。帳前議事。能預測。鄧艾之亾。

莞蘇

周共王有疾。召令尹曰。莞蘇常忠我。以道正我。以義我。與之處。不安也。不見不思也。雖然。吾有得也。申侯。吾所樂者。凡吾所好。先意迎之。吾與之處。常安也。然而當亟遣之。令尹曰。諾。明日王薨。令尹逐申侯。拜莞蘇為上卿。

產麟

瑞昌人。永樂中兵部主事。國語注云。彭城有產氏。

勉昂

漢上郡太守。見風俗通。

扁鵲

國策。扁鵲見秦武王。武王示之病。扁鵲請

除。左右曰。君之病在耳之前。目之下。除之未必已也。將使耳不聽。目不明。君以告扁鵲。扁鵲怒而投其石。曰。君與知之者謀之。而與不知者敗之。以此知秦國之政也。則君一舉而國亾矣。又王海。扁鵲兄弟三人。伯兄視色。名不出家。仲兄視毫毛。名不出里。閔。扁鵲所至。砭人血脈。投人毒藥。名聞

於諸侯。

充公序

宋朝登第。又充堯叟。紹興中嘉興學士。

典韋

漢典韋。陳留人。形貌魁傑。從曹操討呂布於濮陽。韋手持戟大呼。所抵無不應。手倒者。布衆退。拜韋都尉。其後張繡反。襲操營。

韋戰歿。

淺臯

漢人。見印藪。

雋不疑

字曼倩。渤海人。治春秋。武帝末。以暴勝之表薦。徵拜青州刺史。昭帝時。擢京兆尹。每行縣錄囚。奉母命。輒復平反。不事慘刻。大

司馬霍光欲以女妻之。不疑固辭。不肯當。久之。以病免。終於家。京師紀之。

善友

唐人。為鷹坊使。莊宗中流矢。善友扶之而下。又宋有善辰。慶元中進士。南充人。

蹇叔

左傳。蹇叔。秦大夫。杞子自鄭告於秦曰。鄭

人使我掌北門之管。若潛師來，國可得也。塞諫曰：師勞力竭，遠主備之。公曰：爾何知中壽？爾墓木拱矣。塞乃哭送。孟明曰：吾見師之出，不見其入也。秦師果敗於殽。公迎師曰：孤違塞叔以辱二三子，孤之辜也。

國朝有塞義，初名瑤。高帝顧公問曰：汝豈塞叔後乎？卽書義字。賜公易名。公孝友。

質實和厚，簡靜處人，有量未嘗一語傷物。歷事六朝，凡五十年。位至少師，謚忠定。貴而能謙，富而能約。凡御前所言，未嘗退以語人。在吏部不苛不縱，有大臣匡翼之功。

烏明

真源賦。伏羲命烏明建方。泝窾木，絕港道。

以濟不通。奠八方。旌九位。而分九土。時爲六佐之一。

蓼崇業

唐太原人。右羽林將軍晉陽公。

矯庸

魯人。受易於馭臂。又漢有矯慎。字仲彥。少學黃老。仰慕松喬導引之術。與馬融蘇章

鄉里。竝時。融以才博顯名。章以廉直見稱。然皆首推慎焉。

皎公羨

晉交州將。今湖廣竹溪縣有皎氏。

紹績昧

韓非子。紹績昧。醉寐而亾。其妻。宋君曰。醉足以亾妻乎。對曰。桀以醉亾天下。而康誥

古如通卷六
曰母彝酒。彝酒常酒也。常酒者天子失天下。匹夫失其身。

犀賈

趙大夫。

繞朝

秦大夫。晉大夫士會奔秦。晉人忌秦用士會。乃使魏壽餘偽降秦以誘士會。秦使士

會繞朝諫不聽。會行朝贈之以策曰。子無謂秦無人。吾謀適不用也。

佼彊

漢山陽人。自號橫行將軍。後歸光武。

保睿

本朝通州人。弘治中知曲江縣。鋤奸恤苦。清介自持。常題詩後堂曰。不似神仙會煉

丹。無緣措置。惠貪殘。毫釐百姓。心頭肉。爲
汝抽刀。總是難。去任。民垂泣送之。

卯疏

周時學道得仙。今雲南有卯姓。

老古

晉文公逐麋而失之。問農夫老古曰。吾麋
何在。老古以足指曰。如是往。文公曰。寡人

問子。子以足指。何也。老古振衣而起曰。臣
不意吾君乃至此。臣聞虎豹之居也。厭閒
而近人。故獵之。魚鼈之居也。厭深而居淺。
故漁之。諸侯厭衆而亡其國。詩云。維鵲有
巢。維鳩居之。君放不歸。人將居之。于是文
公載老古以歸。按左傳。有老佐。又有老佐
廬。亦宋臣。

島璞

恒曲人弘治舉人。

葆申

呂覽。荆文王得茹黃之狗。宛路之贈。以畋於雲夢。三月不反。得丹之姬淫。暮年不聽朝。葆申排闥而極諫。曰。王之臯當答。王曰。不穀免衣襁裸而齒於諸侯。願請變更而

無答。葆申曰。臣承先王之命。不敢廢也。王不受答。是廢先王之令也。臣寧抵臯於王。毋抵臯於先王。王曰。敬諾。引席。王伏。葆申束細荆五十。跪而加之於背。如是者再。乃趣出自流於淵。請以歿。臯。文王曰。此不穀之過也。葆申何臯。王乃變更。召葆申。殺茹黃之狗。析宛路之贈。放丹之姬。後荆國兼

奇姓通 卷六
國三十九。令荆國廣大。至於此者。葆申之
力也。後國朝有葆光先。正德中訓導。

草王橋

漢人見印藪。

抱嶷

石塘人。居於直谷。自言其姓杞。董卓時懼
誅。遂易氏。父睹生逃。獨與其母沒入掖廷。

遂爲宦人。小心慎密。累遷中常侍。賜爵安
定公。

藻重

南北朝。藻重。西昌人。鄱州刺史。

皓進

吳越春秋。越大夫皓進告勾踐曰。一心齊
志。上與等之。下不違令。動從君命。修德履

義守信溫故臨非決疑君誤臣諫直心不撓舉過列平臣之事也。

棗祗

三國魏人爲陳留太守時歲旱軍食不足募民屯田以實倉廩軍國以饒見文選又棗據晉人爲山陰令政有異績遷尚書左丞。

浩賞

漢清州刺史唐浩聿隰州刺史子虛舟。

寶篆

宋慶元人皇祐中進士又寶魯元人泰定初修遼金宋三史考績居最遷中書省檢校官。

杲元啓

奇姓通 卷六
元詩人。

我子

六國時人。好著書。名我子。見風俗通。劉向別錄云。爲墨子之學。

可中止

唐諫議大夫。宋有可懋。遂寧人。紹興進士。

鎖政

宋鎖政。遂寧人。政和進士。國朝有鎖住。

洪武中臨湘知縣。忠州人。

埜佑

固安人。正。間南昌千戶。

把康

漢把康。避董卓亂。改爲把氏。

且謹修

宋元祐中有且謹修知德化縣事。

也伯先

懷寧人。洪武初訓導。

冶區夫

左傳。冶區夫。魯人。魯昭公十三年春。叔弓圍費。弗克。敗焉。平子怒。令見費人。執之以爲囚俘。冶區夫曰。非也。若見費人。寒者衣。

之。饑者食之。爲之令主而供其乏困。費來如歸。南氏忘矣。民將叛之。誰與居邑。若憚以威懼之。以怒民疾而叛。爲之聚也。若諸侯皆然。平子從之。費人叛南氏。

捨敬

捨敬。字敬先。洪武中江陰稅課大使。

假倉

漢假倉。陳留人。成帝時習經學。以謁者備論石渠。由是小夏侯有張鄭秦假李氏之學。

閻和

永寧人。永樂二十一年舉人。任訓導。閻上聲。馬字韻。

養奮

東漢人。和帝時以布衣舉賢良方正。博通古籍。爲一時名儒。

敞屠洛

功臣表。敞屠洛以匈奴符離王降。封湘成侯。千八百戶。

黨叔

左傳。范獻子來聘。拜城杞也。公享之。展莊

奇如通 卷六
叔執幣射者三耦。公臣不足。取于家臣。家臣。展瑕。展王父爲一耦。公臣。公巫召伯仲顏莊叔爲一耦。鄆鼓父黨叔爲一耦。注言公室卑微。公臣不能備三耦也。

廣嵩

六安人。洪武中舉楷書。任中書。

掌禹錫

宋文鑑。掌禹錫。字唐卿。郟城人。歷官工部右侍郎。禹錫博學多記。嘗預修皇祐方域國志。地理新書。及校正類篇。神農本草。又著郡國手鑿。周易集解。

賞慶

晉人。註周易。姓纂云。吳中八族有賞姓。

党進

奇姓通 卷六
馬邑人。宋開寶中從征太原。以功歷官節度使。進形貌魁岸。每擐甲胄。毛髮皆豎。宋制。掌禁兵者。悉書其數於挺上。記焉。太祖問進所掌幾何。進不識。惟舉挺以示。曰。盡在是矣。上以其朴忠。益重之。

仇氏

姓苑。孟母仇氏。仇啓之後。元和姓纂。孟字

三歲而激。公宜卒。激公字。宜名。

党耐虎

姚秦將軍。又党金毘。僕固懷恩下將。

曩秉彛

蒙古人。寓居澧州。受學于瞿丙中。湖廣鄉試第一。舉進士。歷官河南參政。

莽通

奇如通卷六
九十四。六、六五
功臣表。莽通以侍郎發兵擊反者如侯。封重合侯。一云莽何羅封重合侯。

蕩意諸

左傳。司城蕩卒。公孫壽辭司城。請使意諸爲之。蕩意諸曰。盍適諸侯。公曰。不能其大。夫。至於君祖母以及國人。諸侯誰納我。且旣爲人君而又爲人臣。不如死。盍以其寶。

賜左右而使行。夫人使謂司城去公。對曰。臣之而逃其難。若後君何。冬十一月甲寅。宋昭公將田孟諸。未至。夫人王姬使帥甸攻而殺之。蕩意諸效節而死。又漢有蕩疑。古今人物表。

上纘

字承之。號竹齋。以宋內侍佩金虎符。一日

辭入道改名正真。又國朝有上泰字志同。景泰間進士。歷官廣東參政。

猛足

國語。驪姬生奚齊。其姊生卓子。公將黜太子申生而立奚齊。猛足乃言於太子曰。伯氏不出。奚齊在廟。子盍圖乎。太子曰。吾聞之。羊舌大夫曰。事君以敬。事父以孝。受命

不遷為敬。敬順所安為孝。棄命不敬。作令不孝。又何圖焉。且夫間父之愛而嘉其況。有不忠焉。廢人以自成。有不貞焉。孝敬忠貞。君父之所安也。棄安而圖遠於孝矣。吾其止也。

穎容

東漢人。字子嚴。博學多通。善春秋。累徵不

起著春秋條例五萬餘言。杜預云。後有穎子嚴亦復名家。

永石公

漢人見列仙傳

冷世光

字賓王。紹興進士。為殿中侍御。彈劾不避貴戚。人謂之冷面御史。有奏議彈章二卷。

東堂類藁二十卷。刀筆五卷。第世修。同科進士。有詩文十卷。詞科類要十卷。

邴漢

為漢中大夫。王莽秉政。即乞歸。賜策書束帛遣之。猶子曼容。為官不過六百石。亦引去。

幸元龍

晉人幸靈之後字震甫高安人宋嘉泰初進士通判郢州上書雪濟邸之寃攻時相史彌遠之惡言甚痛切又與彌遠書救魏了翁真德秀洪咨夔胡夢昱竟忤彌遠遭劾屏廢而卒號松垣所著有松垣集嘗以詩援任濤例求免稅丁太守判云松垣筆力破滄溟援引任濤免稅丁一段風流好

公案錦江重寫入圖經

行不意

漢人見印數

景毅

蜀郡人靈帝時李膺坐鈞黨詣詔獄考歿門生故吏竝被禁錮毅子碩爲膺門徒未及錄毅慨然曰本爲膺賢遣子師之豈可

奇如通卷六
漏名苟安。遂自表免歸。時人義之。

秉寬

漢人。見氏族志。

涓竈

左傳。襄公三十一年。工倭灑。涓竈。孔虺。賈寅。出奔莒。閭丘嬰之黨也。子尾殺閭丘嬰。四人遂出奔。

井丹

漢書。井丹。字大春。通五經。善談論。京師爲之語曰。五經紛綸。井大春。性矜高。未嘗投刺候人。建武末。沛王輔等五王居北宮。爭致之。不肯就。信陽侯陰就以外戚貴盛。乃詭說五王求錢千萬。約致丹。而別使人要劫之。丹不得已而至。既至。就故爲設麥飯。

蔥菜之食。丹推去之曰。以君侯能供甘旨。故來相過。何其薄乎。更致盛饌。乃食。及就左右進輦。丹笑曰。吾聞桀駕人車。豈此耶。一坐皆失色。就不得已。令去輦。丹自是隱閉。不關人事。以壽終。國朝有井田。字九疇。永樂間任戶兵刑三科。封章曰。上子源。字永清。爲駙馬都尉。卒於土木。天順初。追

封鉅鹿侯。

淳寅遜

五代人。

靖君亮

文中子門人。靖國君後。與格輔元等號陳留八俊。又靖安民。仕金爲中都路元帥。累立戰功。後元兵圍山寨。寨長以老幼出降。

奇如通卷六
安民獨抗節。死守卒。贈金紫光祿大夫。

鼎澧

宋人。兵馬知監。死于金難。

洗勁

洗音省。又音線。晉時南海人家。本武帥。至勁讀書尚節操。爲廣州參軍。海寇盧循攻城被執。循欲釋之。勁叱曰。賊奴乃欲凌國。

士耶。遂遇害。贈始興太守。謚忠義。

守恭

見姓纂。蘇長公在惠州。引爲詩酒友。

酒好德

周官酒正。因官命氏。國朝有酒好德。乳源人。洪熙中任陝西神木衛經歷。

酉牧

魏書。陳留人。

丑閻

丑閻。元人。至正中。知安陸府。蘄州曹法興陷安陸。丑閻被執。不屈。賊義而釋之。丑閻歸。知事不濟。謂妻侯氏曰。我當死國。汝則何如。妻曰。願生歿共之。夫婦卽對縊而歿。賊具衣棺。葬於城南新市。

醜長

漢人。見袁紹傳。

斗蓋

宋長寧州人。嘉祐初。夷人謀內寇。蓋先以其事來告。涪井監引兵趨之。捕斬七十餘級。鈐轄司上聞。詔賜錢三十萬。錦袍銀帶。擢爲本州刺史。

首得仁

長沙人。弘治間汀州府推官。

偶桓

字武孟。崑山人。能詩。少嘗接楊維禎倪瓚。謂其詩有超乘挽轡之力。洪武中以薦為崇安從事。所著有江雨軒集。鳳臺吟嘯集。

耆秉彝

漢州人。弘治中龍南縣丞。

九嘉

唐人。歷知富平高陵二縣。高祖以為純臣。入為翰林供奉。歿於癸巳之難。又唐人有九希采。為戎州太守。有輿地紀勝集。

斜滔

斜。音偷。上聲。宋斜滔為處州刺史。今臨海

有。此。姓。

口祿

河州人。弘治中宣府通判。

苟晞

晉人。字道將。東海王越討汲桑。晞爲先鋒。破羣盜。威名甚盛。時人以議韓白。進位都督青兗諸軍事。從母子犯法。晞斬之。旣而

素服流涕曰。殺卿者兗州刺史。哭第者苟道將。卒封東平侯。國朝有苟惠。苟溥。俱歿於藍。鄆之難。

厘文

漢人見印藪。

有若

字子有。魯人。荀子曰。有子惡卧而焠掌。齊

竟陵王頌曰。有子刺掌脩名立。

狗未央

漢人見印藪。

厚瘠

左傳。襄公使厚成叔弔於衛。曰。寡君使瘠。聞君不撫社稷而越在他境。若之何不弔。以同盟之故。使瘠敢私於執事。瘠成叔名。

後改厚爲邱氏。

審忠

漢議郎。上書請誅王甫。曹節。又三國審配。字正南。袁紹牧冀州。以配爲別駕。并總幕府事。忠烈之風。凜不可犯。一日操得之。欲逼之降。配曰。吾生爲袁氏臣。死爲袁氏鬼。可速斬我。操怒。趣吏捧出。臨刑。配叱退刃。

者曰。吾主在北。不可使吾面南而死。乃向北坐。引領就戮。

品出

成化間鎮海衛千戶。

檄大經

字守道。廣宗人。少聰穎。日記數千言。家貧。遊學於崔尚寶家。未幾以書還之。曰。我已得其概矣。平生著述甚多。皆勸人以聖賢爲準。正德丁卯鄉試第七人。年三十卒。士夫多悼惜之。

坎輝

南和人。正統中福寧州倉官。英賢傳云。宋附庸有坎氏。

冉孺

人知冉雍冉耕冉求。居聖門德行政事之科。不知冉孺冉季。亦孔子弟子。一勤學好問。一力於講道。皆一時之選也。

染閔

石勒將染閔。又五代時有染干。

咎如心

字子推。三原人。讀書務尋宗旨。厭科舉之

學。慨然有求道之志。嘗衣冠危坐。斂心飭身。言動應酬。悉本道義。年二十九而卒。人咸惜之。所著有敬齋集。又有咎萬壽。為宋名將。

免乙

漢免乙為上郡太守。

檢其

漢人。句章尉。

陝茂

天順甲申。彥茂舉進士。英宗不識其字。

李文達言音與陝字同。御筆遂改為陝。湖廣人。

剡次雲

蜀人。見宋史趙達傳。

閃靄

永昌人。永樂中。任永州通判。

偃繇

漢偃繇。生女為桓帝母。追贈博陵皇后。

減宣

漢司隸校尉。時有上書告張湯與吏魯謁居謀變事。下減宣案治。宣與湯有卻。窮究

其事。凡治獄。以微文深詆。殺者甚衆。稱爲
敢決疑。數起數廢。爲御史及中丞者幾二
十年。

奇姓通卷六終

壽